

373.

Innocenz von Starschedel übersendet dem Herzog Georg einen Bericht der Universität über die zwischen Studenten und Handwerksgelellen stattgefundenen Excesse. Leipzig, 1533 Juni 13.

Hdschr.: Concept Hauptstaatsarchiv Dresden Leipziger Händel 1458. 1508. 10. 1532—1539 loc. 10534 fol. 50.

5 Durchleuchter hochgebornner furst. Mein underthennige, gehorsamme, willige dinst sein euern furstlichenn gnadenn allezceytt bereyt. Genediger furst unnd herr. Auff e. f. g. schryfftlichenn befellich, das ich mich auff's vleyssigst unnd eygendttligst wie sich der wyderwill unnd rhumorr zewyschenn denn universitetzpersonenn unnd handtwergß-
 10 gesellenn inn e. f. g. stadt Leipzigk zuegetragenn, erkundenn soltt, hab ich gnediger furst unnd herr mit allem vleyß gethann unnd bey dem hernn rectori, auch dem burgermeyster unnd radtt zue Leyptzigk fleysige nochforschunge gehabt. Hatt mir der herr rector vonn wegenn der universitetzpersonenn diesenn eingeschlossennenn schrifftlichenn bericht gethann, desgleichenn der burgermeister unnd radtt zue Leyptzigk angezceygt, wie sie denn falh e. f. g. genugksam unnd grundtlichenn bericht allgereydt gethann
 15 hetthenn, und wiewoll ich mich bey andernn personenn, die umb denn wyderwillenn bewust getragenn habenn söllenn, auch befragett, will sich doch ir bericht fast mitt deme obenbenumbtenn vorgleychenn, unnd meynns erachtens ist dieses wyderwillens ader rhumorß nymantz dan der fechtmeyster die groste ursach zc. Es hatt mir auch Cristoff vonn Thawbenheim ein schriefft zuegeschigktt am negstenn vorschynnenn donnerstagk,
 20 die anttwurt, welche er vonn graff Hoyernn vonn Mansfeldt uberkommenn, die ich e. f. g. hirmitt auch uberschigk, unnd was e. f. g. wollenn das ich inn dem fernner vornemmen sall, bitt ich e. f. g. mich sulchs zu vorstendigenn. Hirmitt thue ich mich e. f. g. inn aller underthennigkeytt befehlenn. Datum Leyptzigk freytags nach corporis Christi anno zc. xxxiiii^o.

25 E. f. g. v. unnd gehorsamer diner Innocencius vonn Starschedell.

Dem durchleuchtenn hochgebornnen furstenn und hernn, hern Georgenn herczogenn zcu Sachssenn, landtgraffen inn Dhoringen unnd margkraffen zcu Meyssen, meinem gnedigenn herrenn.

374.

30 *Verordnung über die Aufhebung einer ertrunkenen Frau etc.*

1534. a)

Hdschr.: Concept Hauptstaatsarchiv Dresden Leipziger Händel 1548. 1508—39 loc. 10534 fol. 65.

Der auffgehobenen ertrunkenen frauen halbenn sollet yhr zcum forderlichsten eyn gericht bestellen auff dem uffer, do dye gericht ins ampt gehoryg, unnd zcum rychter, fyschern unnd andern, dye darbey gewest unnd handt angelegt, peynlichen clagen, sye

35 374. a) *Oben am Rande geschrieben.*